

BIBLIOGRAFIA

I. RECENSIONES (1)

SOBRE LA FILOSOFIA TOMISTA DEL DERECHO (*)

Hoc opere clarus Magister ostendit quomodo problemata primaria, quae vocant, philosophiae iuris, logicum nempe, ontologicum ac deontologicum ad mentem S. Thomae expediri queant neque praetermittit aliorum opiniones, quas diligenter perpendit atque cribat.

De problemate logico agit in nn. 2-4 et quaerit quid sit ius, quid lex iuridica, quasnam cum moralitate communes, quasnam proprias ius habeat notas.

S. Thomas ius dicit ipsam rem iustam seu iustum, verum non iustum perfectum, quod bonum reddit actum humanum et ipsum hominem bonum reddit, sed iustum imperfectum, quod actum tantum seu opus bonum facit. Id autem possibile est tantum in iustitia, in qua rectum, "*praeter comparisonem ad agentem, constituitur per comparisonem ad alium*", et ideo actus habet recititudinem iustitiae "*etiam non considerato qualiter ab agente fiat*", dum in operibus aliarum virtutum (prudentiae, fortitudinis, temperantiae) rectum non accipitur nisi per comparisonem ad agentem.

In n. 3 Auctor, vestigia premens S. Thomae, officia normae iuridicae definit et eiusdem notas proprias indicat, exterioritatem nempe, alteritatem, possibilitatem ponendi opus bonum "*etiam non considerado qualiter ab agente fiat*". et coactivitatem.

In quarto agit de relatione iuris ad normam moralem, seu de moralitate vel amoralitate iuris, et postquam determinaverit quo sensu ius sit morale, quo vero amorale, concludit utrumque, ius (legem) et normam moralem esse ordinationem rationis ad bonum commune, sed aliud esse bonum commune, ad quod tendit ordo moralis, aliud, quo contentum est ius: bonum commune normae moralis est bonum societatis universalis ac spiritualis omnium entium rationabilium, in quod quaelibet perfectio interna vel externa singulorum confluit, bonum commune ordinis iuridici vero est bonum, quod effectibus activitatis externae plurium hominum in quandam societatem coalescentium conflatur.

Quae ad problema ontologicum spectant expediuntur in nn. 5-6. In primo quaerit Auctor utrum ius naturale sit iuridicum. Exorditur indicando quaestionis originem ac fontem, imperfectam conversionem ex graeco in latinum sermonem verborum "*δίκαιον φυσικόν*", atque asserit S. Thomam errorem vitasse,

(1) Según la práctica usual, daremos aquí una recensión de cuantos libros de Derecho canónico o materias afines se nos envíen en doble ejemplar (caso de no tratarse de obras de subido precio). De las demás obras daremos únicamente noticia de haberlas recibido.

(*) C. GRANERIS: *Contributi Tomistici alla filosofia del Diritto*, S. E. I. (Torino-Roma, S. E., I., 1950).